



LANDLÆKNISEMBÆTTIÐ
Directorate of Health



Félag íslenskra fæðinga- og
kvensjúkdómalækna

FAGLEGAR LÁGMARKSKRÖFUR

Samkvæmt lögum um landlækni nr. 41/2007, 6. grein

Fæðingar- og kvenlækningar

Flokkur heilbrigðisþjónustu	Starfsstofur heilbrigðisstarfsmanna.
Tegund þjónustu	Fæðingar- og kvenlækningar. Á læknaþöfum sérfræðilækna í greininni og undirflokkum hennar fer fram ráðgjöf, skoðun, rannsókn og meðferð á konum (og körlum vegna tengdra vandamála). Að einhverju leyti fer fram skoðun á konum undir 18 ára aldri sem teljast börn í skilningi laga.
Samskipti við sjúklinga	Lækni ber að sýna skjólstæðingum sínum kurteisi og virðingu og starfa í samræmi við lög og reglugerðir og góða starfshætti lækna. Honum ber að upplýsa sjúklinga sína í samræmi við viðtekna venjur í heilbrigðiskerfinu og gefa þeim kost á að taka þátt í ákvörðunum er þá varða auk þess að gera sjúklingum grein fyrir bið eftir meðferð og kostnaðarhlutdeild þeirra þegar það á við. Ennfremur að upplýsa sjúklinga um réttindi þeirra og gæta þagnarskyldu.
Skráning	Læknir skal færa sjúkraskrá samkvæmt lágmarkskröfum landlæknis og fylgja lögum og reglugerðum um persónugreinanlegar upplýsingar. Þar sem við á skal nota þau flokkunarkerfi sem Landlæknisembættið kveður á um. Æskilegt er að sjúkraskrá sé færð á rafrænu formi. Rafræn skráning skal vera skilgreind og lýsing á ferlinu um hvernig aðgangsstýringu er háttað, afritun og varðveisla gagnanna skal liggja fyrir. Varðveisla sjúkraskrárgagna á pappírformi og eyðing þeirra skal vera í samræmi við lög, reglugerðir og tilmæli landlæknis.

Símenntun	Lækni ber að halda við faglegri þekkingu og færni, m.a. með því að sækja framhaldsmenntunarnámskeið, faglega fundi og ráðstefnur.
------------------	---

Mönnun	Lækni er frjálst að ráða til sín starfsfólk til aðstoðar sem skal vera menntað í samræmi við það starf sem því er ætlað. Skal starfsfólk hlíta sömu kröfum um umgengni við sjúklinga og lækna gera og gæta þagmælsku. Allt aðstoðarfólk á lækna stofum sérfræðinga starfar á ábyrgð viðkomandi læknis nema sérlög bjóði annað.
---------------	--

Húsnæði	Fylgja skal kröfum í starfsleyfisskilyrðum fyrir heilbrigðisþjónustu um húsnæði og tilheyrandi búnað, hreinlæti og þrif, sóttvarnir og umhverfismál. Æskilegt er að lækna stofan sé aðgengileg fötluðum. Hafa skal afstúkað svæði þar sem konur geta afklæðst. Skal séð fyrir nauðsynlegum einnota búnaði í þeirri aðstöðu.
----------------	--

Búnaður og tækjakostur	Læknir skal hafa skrifborðsaðstöðu, síma og tölvubúnað og sæti fyrir a.m.k. 2 einstaklinga á stofunni. Hafa skal skoðunarbekk ásamt áhöldum og tæki eftir umfangi þeirra skoðana sem þar fara fram Hafa skal aðstöðu til geymslu margnota og einnota áhalda á hreinum stað svo og sóttreinsunaraðstöðu fyrir áhöld og tæki. Fylgja skal almennum reglum sem gilda um sóttreinsun þeirra og aðstöðu til sorphirðu og förgunar sóttmengaðs úrgangs. Fylgja skal kröfum laga um lækningatæki og geislavarnir varðandi almenn tæki, rafmagnstæki og jónandi tæki.
-------------------------------	---

Gæðavísar	Landlæknisembættið mun vinna með fagfélögum að því að velja gæðavísa sem endurspeglar helstu áherslur í þjónustu þeirra. Dæmi um þau svið sem áhersla er lögð á: Aðgengi, upplýsingagjöf, þátttaka sjúklinga í meðferð, samfella í meðferð, lækna bréf og viðhorf notenda til þjónustunnar.
------------------	--

Gildistími	Samkomulag þetta gildir frá undirskrift og verður endurskoðað eftir 5 ár en fyrir ef forsendur þess breytast skv. mati annars hvors aðilans.
-------------------	--

Útgefið	<i>Staður</i> Seltjarnarnesi <i>Dags.</i> 27.5.2009
<i>Undirskrift landlæknis</i>	<i>Undirskrift FÍFK</i>
Matthías Halldórsson	Ólafur Håkansson

*Þessar faglegu lágmarkskröfur eru gefnar út á rafrænu formi og birtar á vef Landlæknisembættisins.
Þær eru unnar í samvinnu við Félag íslenskra fæðinga- og kvensjúkdómalækna (FÍFK).*